

佛祖統紀

五四之

風雅文庫

文庫19

F229

3

教主釋迦牟尼佛本紀四

佛祖統紀卷第四

宋景定四明東湖沙門 志磐 撰

入涅槃

序曰如來所說一代法門其意在乎開顯大事因緣而已及乎人機既得大益則又爲之說云所應度者皆已度畢於是唱入滅度以示化儀之有始卒將以起懈怠者之慕心以垂訓未來之人余至曰我不滅度常在靈山斯則如來不生不滅大般涅槃之旨言涅槃者此有二義一者爲法華未熟人追說四教具談佛性令知眞常入大涅槃名拈拾殘機教儀謂如來調熟漸機衆生以法華涅槃皆爲後教後味

譬如田家先種先熟先收晚種後熟後收是以八千
聲聞無量損生菩薩大德身子等於法華中得受記
別見如來性成大果實如秋收冬藏更無所作即是
前番從摩訶般若出法華若鈍根人法華不入更用
般若淘汰如五千自起人天被移此等未熟者更論
般若入於涅槃而見佛性即是後番從般若出大涅
槃故知法華前番如秋成大獲涅槃後番如捃拾餘
殘玄十

述曰法華開顯已廢方便其未熟者尚勞調停故
於臨滅度時重施三教之權用顯一乘之實此追
說之意也義在聖行品然五千先已結緣略聞開顯今

此會中復為追說既於當座知常故須即施即廢
此追泯之意也義在德王品追說者重施也追泯者重
會也法華已施已廢即是前番涅槃重施重廢即
是後番籤之言曰涅槃重施方便又云泯者會合
皆此義也

二者為末世比丘畜不淨物失樂誦外典不教佛經
失於佛法中起斷滅見天傷慧命亡失法身使乘戒
俱失故更扶三藏廣開常宗設三種權扶一圓實故
名扶律談常教雜見四大經玄若言不許諸惡比丘畜
八不淨是戒門事門此即扶律義案律云八不淨者
僕五養禽獸六錢寶七橋金八象金若說如來實不
餘牀及諸重物此之八物顯過不應

畢竟入於涅槃及遮外典此是乘門理門此即談常義據經合

云如來實不畢竟涅槃方是談常今籤文云如來畢竟入於涅槃此脫實不兩字今用經補足

代諸惡比丘破戒說如來無常及讀外典則並無乘

戒失常住命賴由此經扶律談常則乘戒具足故知

此經為贖常住命之重寶籤引大經云若人藏積七

惡王為用贖命乃當出用諸佛秘藏亦復如是為未

來出諸惡比丘畜不淨物為四眾說如來畢竟入於

涅槃讀誦外典不教佛經如是等惡出現世

時為滅諸惡為說經是經若滅佛法則滅

迷曰法華開顯之後涅槃廣開常宗知一切眾生

皆有佛性於是末代無知安於平等大慧之說忽

略戒律不復經懷此戒緩之失也至於不讀佛經

唯好外典此乘緩之失也是知讀經要在解義行

因未足以為人天福業善提遠乘戒俱緩非三塗之

歸而何歸如來久鑑未來唱商行寄金之典重扶

三藏圓會真常顧命之言有在於是然則扶律談

常之教正被今日凡在為學可不勉是以止觀

方便具五緣中首明持戒以為助道要令行人以

圓三觀觀察所持十種戒本相相清淨事理俱持

乘戒俱急非同十二年中不知圓常唯明事相之

戒故義例有云雖依法華三昧妙行末代鈍根若

無扶助則正行傾覆故須扶律談常以顯實相若

夫大經所云於戒緩者不名為緩於乘緩者乃名

為緩此即偏贊大乘格量優劣之文豈當恃此便

忽事戒止觀謂乘急戒緩者以三塗身見佛聞經如華嚴涅槃鬼神龍畜皆預列衆如是因果差降升沈非一云何難言理戒得道何用事戒幸於入天受道何意苦入三塗文不明此宗未足與議涅槃最後之訓若但弘四分不讀大乘徒知專守鹿苑持犯之章曾未獲聞鷲峯開顯之旨此爲弘道良用悲心如智者之滅弟子問誰可宗仰則答之曰波羅提木叉又戒四三昧在焉乘左溪之逝則顧謂門人曰吾六即道圓萬行無得乘戒爲心本戒汝等師之是又知列祖弘道未嘗不取本於乘戒俱急扶律談常之意

若論時味與法華同談其部內純雜小異四教義六意辨異二經云判味同時而部有異云然二經云又文云涅槃猶帶三乘此經純一無雜○教意起盡是同如法華三周說法斷真聲聞咸歸一實開迹也斷了亂反與如字訓史後開近顯遠明菩薩事顯本涅槃亦是先勝三脩小證并奪三脩十仙是我劣三脩者聲聞依半教謂三界無常諸有非樂一切空無我無我所勝三脩者依佛勝教破於劣修常恒無有變易歡娛受樂具八自在如是修者斷真入秘密藏○涅槃經云聞提首那等十外道斷真聲聞入秘密藏開迹也後三十六問明菩薩事顯本也辨菩薩五行十又涅槃臨滅更扶三藏誠約將來使末代鈍根不於佛法起斷滅見廣開常宗破此顛倒

令佛法久住如此等事其意則別云云起謂正說初分
盡謂正說末分法華以本迹二門為初後二分初則開權顯實斷真聲聞後明本門增道損生重更辨前開權化主久遠成佛故涅槃正說開為四段初然陀品去明涅槃施斷真三脩二長壽品十四品明涅槃義三現病品去五品明涅槃行四師子乳品去三品明涅槃用故知初已斷真聲聞後但明於涅槃義用是故二經起盡是同
 經云從摩訶般若出大涅槃故合法華為第五時儀四教

五十三年壬午佛先往忉利天三月安居遣文殊請母所暫屈禮敬三寶摩耶夫人聞之乳自流出直至佛口即與文殊俱至佛所佛為說法得須陀洹果三月將盡欲入涅槃帝釋作三道寶階佛與母別大眾導從下還祇洹佛外切利經

述曰案行法經卻後三月我當涅槃則知說行法在辛未十一月望案升忉利經三月安居則知說行法畢即曰往忉利案此經三月將盡欲入涅槃則知此年二月十四日下閻浮提十五日入涅槃時優填王拘樓戀慕世尊鑄金為像聞佛當下寶階象載金像來迎世尊金像上下猶如生佛雨華放光為佛作禮世尊合掌語像我滅度後我諸弟子以付囑汝觀佛三
案增一阿含經帝釋請佛外初利天為母說法優填王思觀如來即以梅檀亦高五尺時閻浮提始有二像又西域記優填王請目連以神力接工人上佛姨母摩訶波闍波提云此大變不忍見如來滅度與五百除饑女禮佛退還精

舍各在空中作十八變同時泥洹佛令阿難入城徧告理家優婆塞受作五百梓材闍維畢取舍利造廟供養佛母泥洹經佛躬舉牀一腳阿難舉一腳飛在虛空往至冢間四部大衆各舉五百比丘尼增一阿含經天王舉牀佛在前擎鉢燒香供養爲報恩故

梁祐律師曰姨母之德均爲所生是故持舉之重爰酬鞠育將以厲後世無恩之人也釋迦舍利弗目犍連不忍見佛涅槃遂先入滅七萬阿羅漢亦同時入滅時四輩弟子莫不荒亂如來以神通力化作二弟子在佛左右衆生喜憂惱即除薩婆多論迷曰身子不忍見佛涅槃故先入滅而涅槃亦引

大經則云身子見佛涅槃不憂常住不喜是知開顯之義不同附小之文

今日座中無央數衆或見如來入般涅槃像法史

二月十五日佛在拘尸那城此云力士生地娑羅雙

樹間臨涅槃時出大音聲普告大衆今日世尊將欲

涅槃一切衆生若有所疑今悉可問爲最後問時世

尊晨朝從面門放種種光徧照十方六趣衆生共相

謂言當疾往詣勸請如來莫般涅槃涅槃經

迷曰如來以聲光普告大衆而六趣之中有能相謂勸請者蓋是大權示現主首之倫故能次第轉告三塗實報之衆故此經列衆有稱諸天八部師

象鳥獸皆名為王者此意可知

時弟子四眾諸大菩薩闍浮諸王大臣長者四天王
諸天子八部諸王山海諸王師子象王諸鳥獸王唯
除迦葉阿難二眾及阿闍世王佛以聲光召五十二
難在迦葉阿難二眾及阿闍世王等時迦葉在耆闍維
佛在迦葉阿難二眾及阿闍世王等時迦葉在耆闍維
佛在迦葉阿難二眾及阿闍世王等時迦葉在耆闍維
各持供具請佛供養甘默不受是時會中優婆塞
純陀白言我等欲從如來求將來食唯願哀閱受我
微供佛云我今受汝最後供養令汝具足檀波羅蜜
純陀白言雖知如來方便示現涅槃而我不能不懷
苦惱佛讚善哉能知如來示同眾生方便涅槃時天
龍八部勸請如來唯願久住不入涅槃世尊為說伊

字三點如來之身解脫般若三法如世伊字梵書八
字三點

不縱時諸比丘請說無常苦空無我佛說出世常樂

我淨世間四顛倒法諸比丘言如來求無四倒了知

常樂我淨何故不住一劫半劫教導我等舍離四倒

佛言我今所有無上正法悉已付囑摩訶迦葉當為

汝等作大依止猶如如來云佛告大衆今以正法付

囑國王大臣及四部眾應當勸厲諸學人令得增上

戒定慧若有不學是三品法懈怠破戒毀正法者大

臣四部眾應當苦治涅槃經

述曰佛告諸比丘所有正法悉已付囑迦葉此為

正付法以迦葉能繼世傳持也又云今以正法付

囑王臣四眾。此是旁付法。以在官能治人護法也。
佛告大衆。從今日始。不聽聲聞弟子食肉。經
述曰。梵網制菩薩不應食肉。鹿苑之際。小乘病開。
魚肉。楞伽則不應菩薩食肉。釋籤謂在四含後。為
漸制之始。既云菩薩不應食肉。故知小教仍開。今
涅槃始不聽聲聞弟子食肉。從今日始。則知大小
俱制。正見扶律之意。末代出家。可不知奉。

阿闍世王。既害父已。身生惡瘡。邪見六臣咸言。六師
能治王病。耆婆白言。唯佛能治。王聞佛欲涅槃。悶絕
辟地。世尊大悲。入月愛三昧。放清涼光。往照王身。身
瘡即愈。王與夫人國民五十八萬。往拘尸城。佛為說。

所有重罪。即時微薄。王及夫人采女皆同發菩提心。
遶佛三匝。辭退還宮。

佛告憍陳如。阿難何在。陳如答言。在婆羅林外。去此
大會十二由旬。為六萬四千億魔之所繞亂。是諸魔
衆悉自變身。為如來像。宣說一切諸法。示現神通。阿
難念言。如是神變。將非佛所作邪。阿難入魔罟。故極
受大苦。以是因緣。不來至此。佛告文殊。阿難吾弟。給
事我來二十餘年。所可聞法。具足受持。喻如瀉水置
之一器。是故我今顧問何在。欲令受持。是涅槃經。今
為諸魔所惱。汝持是大陀羅尼。可往救護。文殊受已。
至阿難所。魔王聞咒。悉發菩提心。捨於魔業。即放阿

難歸至佛所涅槃

述曰阿難初為摩登伽女所攝佛敕文殊將咒往救所以為宣說首楞嚴大定之發起後於娑羅林外為魔所燒佛敕文殊將咒往救所以為魔王發菩提心捨於魔業之緣起未可以聲聞小果為之籌量至言侍佛左右唯證三果滅後結集方證四果此皆阿難用方便道特留殘結耳內秘菩薩外現聲聞佛為授記山海慧自在通王佛當約此意以為之論

佛告阿難是娑羅林外有一梵志名須跋陀羅年百二十雖得五通未捨憍慢汝可往彼語云如來出世

如優曇華於今中夜當般涅槃若有所作可及時作阿難受敕往作是言須跋陀羅言善哉即與阿難還至佛所聞佛說法得阿羅漢涅槃既證果已自言世尊惟願少住教誡莫般涅槃世尊默然不許須跋陀羅不忍見如來涅槃即先入滅佛告大眾自我得道度憍陳如最後度須跋陀羅吾事究竟無復施為涅槃分○時阿難以何泥樓豆語咨啟四問佛告阿難如汝所問六群比丘惡性車匿行汗他家云何共住我涅槃後車匿比丘漸當調伏捨本惡性佛去世後以何為師者尸波羅戒是汝大師佛涅槃後依何住者依四念處嚴心而住觀身性相同於虛空名身念處

觀受不在內外中間名受念處觀心但有名字名字
性離名心念處觀法不得善法不得不善法名法念
處一切行者應當依此四念處住如來滅後結集法
藏一切經初安何等語者當安如是我聞一時佛住
某方某處與諸四眾而說是經涅槃後分時阿難請問
如及般涅槃後云何殯葬佛言當如轉輪聖王葬法
用白氈纏身塗以末香金棺鐵槨持盛王身灌以酥
油香薪燒之火盡收取骨末起塔表刹見者悲喜思
王正治我今聖王亦復如是此國土未來眾生水
華火葬塔冢之葬其事為多閻浮界內有恆且國我
遣三聖在中化導人民慈哀禮義具足家墓因緣經止觀後篇

三聖化彼真用轉行仁義先驅其道後啟清淨法行
經光淨菩薩彼稱孔子迦葉菩薩彼稱老子月光菩薩
彼稱顏回

佛說涅槃時有萬五千億人於是經中不生信心是
人於未來亦當得信

述曰此見妙句未知據何文此等極鈍根人即是
末代出家具正信學佛法者我輩何幸得預此流
如來臨入涅槃諸天大眾皆來供養唯螺髻梵王不
來觀省時諸大眾惡其我慢使百千咒仙往彼令取
乃見種種不淨而為城塹犯咒而死復集無量金剛
持咒而去乃至七日無人取得大眾悲哀說偈如來
即以大徧知神力隨左心化出不壞金剛於大眾中

顯大神通三千世界六及震動即騰身至梵王所指
彼穢物變為大地報梵王言汝大愚癡如來欲入涅
槃汝何不去即以金剛不壞之力微以指之梵王發
心至如來所云金剛指梵王穢物變為大地所謂以
神通變其穢物故得
名之為穢迹金剛也

世尊將入涅槃是時中夜寂然無聲為諸弟子略說
法要汝等比丘於我滅後當尊重珍敬波羅提木叉
當知此則是汝大師若我住世無異此也遺教
經
佛告衆曰我雖在此闍浮提中數數示現入於涅槃
實不畢竟涅槃是故當知是常住法不變易法涅槃
經
時世尊於七寶牀右脇而卧頭枕北方足指南方面

向西方後背東方如來中夜寂然無聲於是時頃便
般涅槃娑羅樹林四雙八隻入涅槃已東西二雙合
為一樹南北二雙合為一樹垂覆寶牀蓋於如來慘
然變白猶如白鶴大眾哀聲普振一切世界涅槃
經
一切人民即入城中作七寶金棺栴檀沉水香華幡
蓋至如來前而申供養大眾悲哽共扶如來入金棺
中遣四力士請棺入城力不能勝乃至遣十六力士
亦不能勝時阿泥樓豆語力士言縱使盡城內人共
舉佛棺亦不可得當須大眾諸天助汝舉棺乃得入
城所言未訖帝釋即持寶蓋垂在空中乃至色界諸
天皆如帝釋供養聖棺世尊大悲即自舉棺升空高

一多羅樹從西門入從東門出從南門入從北門出如是左右遶城經于七匝徐徐空行至茶毗所下七寶牀時四天王各持天上栴檀沉水各五百根乃至第六諸天世間大眾各持栴檀沉水至茶毗所涅槃後分二月二十二日如來涅槃已經七日將欲去棺大眾哀泣共扶如來置七寶牀香水灌洗妙兜羅綿纏頭至足白氎千張次第纏身共扶如來入寶棺中以妙香木成大香樓舉棺樓上大眾各持香炬至香樓所皆悉滅沒後分

阿那律升忉利天以告摩耶夫人摩耶自天而下棺自開世尊起合掌曰遠屈下來復語阿難曰汝

知為後世不孝眾生故從金棺出問訊於母摩耶夫人

時大迦葉與五百弟子在耆闍崛山去拘尸城五十

由旬案是佛涅槃經云迦葉在伊茶梨山去舍衛城二萬八千里教授一千弟子此蓋部別不同當以

涅槃後分迦葉於正受中心驚身顫從定中出見地

大動即知如來已入涅槃即將弟子往拘尸城至佛

棺所如來大悲為迦葉故棺自然開顯出真金紫磨

堅固色身迦葉哀哽即以香水灌洗千疊纏身棺門

即閉迦葉說偈如來復現雙足千輻輪相出於棺外

迦葉禮讚金剛雙足還自入棺從心胷中火涌棺外

漸漸茶毗經于七日香樓乃盡後分○案處胎經迦葉執火以然香薪此

部別不同當以

後分所出為正

佛滅度已始經七日大迦葉告五百阿羅漢令詣十方世界盡集六通阿羅漢得八億八千衆於雙樹間聽受法言經變胎

分舍利

序曰智者有言此舍利者是戒定慧之所熏修究其爲義則有生法全碎之辨我不滅度常在靈山此豈非法身全身乎今論涅槃之後八萬四千則唯示生碎二身尔如來久遠劫來數數去現蓋將開生身之迹以顯法身之本即碎身之狹以見全身之徧大權益物可勝思議者哉

二月二十九日如來荼毗已經七日帝釋開宮

右牙天上起塔有二捷疾羅刹盜取佛牙一雙時城內大衆收取舍利滿八金甕入拘尸城七日供養分後

舍利此云亦身

三月六日如來本生眷屬迦毗羅國王父王淨飯二子一孫流俱

出家父王問佛云因闍求結則知既崩之後無復繼出今此迦毗羅王是國人立兄弟之子爲其後故諸釋種等經三七日知佛涅槃入拘尸城

請求舍利不果所請阿闍世王請佛懺悔洗滌身瘡極重罪滅即還本宮於涅槃夜夢見月落召問諸臣答言是佛涅槃之相王即將臣從至拘尸城請求舍利不果所請時毗離外道名王阿勒迦羅王毗釋不畏王遮羅迦羅王波肩羅王各將臣從入拘尸城請

求一分舍利還國供養不果所請後分已上七國并拘尸那共為八國

時八國王共爭舍利有大臣優波吉諫八國王時帝釋化作人語我等諸天亦應有分阿耨達龍王言我等亦應有分若不見與力足相敵時優波吉告言諸君且止此舍利宜共分之何須見許即分舍利而為三分一分諸天一分龍王一分八王處胎經

八國共分舍利閼王得八萬四千數又別得口髀還國道逢難頭木龍王從求舍利閼王不與龍言我力能壞汝國土閼王怖畏即以佛髀與之龍王於須彌山下起水精塔閼王還國以紫金造盛舍利作千歲

燈於五洹河水中作塔藏之門育王經

八國舉兵爭求舍利姓煙婆羅門高聲唱言當作八分時拘尸城得第一分乃至閼王第八分各還本國起塔姓煙婆羅門得盛舍利瓶還那羅聚落起塔羅延婆羅門得吳還國起塔是時閼浮提始有十塔律

集三藏

序曰荆溪論結集三藏則有三處一千結集正當最初佛藏後四月初月十五日七百結集為滅後百年跋闍檀行十事周厲王三十四年見通塞志五百結集為四百年後因伽毗吒王請僧論道不同末檢所出然法苑珠林李長者合論並依

處胎經以後後七日為五百結集今案本文迦葉告五百正是遣使集眾未為正結集則當以荆溪之論為正

四月十五日大迦葉如是思惟應當結集三藏法久住即往須彌山頂錫杖維音度地摩訶鉢諸鳴者皆名捷地說偈曰佛諸弟子若念於佛當報佛恩莫入涅槃諸弟子得神力者皆來集會迦葉選得千人皆阿羅漢唯除阿難闍王曰給千人飲食中夏安居三月初十五日說戒時迦葉入定以天眼觀阿難一人煩惱未盡手牽令出阿難慚泣白言佛法阿羅漢者不得供給左右使令以是留殘結不斷耳

大迦葉復言汝更有罪汝勸佛度女人出家使正法滅五百年阿難言三世諸佛皆有四部迦葉復言佛欲涅槃背痛卧言須水汝不供給阿難言是時五百乘車載流而度水濁不取迦葉復言佛問汝若有人四神足好修可住壽一劫若滅一劫汝應答云佛應住壽一劫若滅一劫佛三問不答故令世尊早入涅槃阿難言魔蔽我心是故不答迦葉復言汝與佛僧伽梨衣是重疊之義以足踏上阿難言我捉衣時大風吹墮脚下非不恭敬迦葉復言佛陰藏相般涅槃後以示女人是何可恥阿難言我思女人見佛陰藏相必羞恥女形欲得男身修行種種佛之德根

非為破戒迦葉令作六種突吉羅罪僧中悔過突吉羅此
云應作又迦葉復言斷汝漏盡然後來入阿難思惟
云應當諸法求盡殘漏定力少故不即得道後夜後過疲極
偃息仰臥就枕霍然得悟入金剛定破一切煩惱得
六通後夜到僧堂敲門迦葉語云汝從門鑰孔中入
來阿難即以神力從孔中入禮拜懺悔迦葉乃云汝
莫嫌恨遠汝本座阿難禮僧已升師子牀智度迦葉
告言佛所說法一言一字勿使有闕時阿難最初出
經第一胎化藏第二中陰藏第三摩訶衍方等藏第
四戒律藏第五十住菩薩藏第六雜藏第七金剛藏
第八佛藏是為經法具足時阿難發聲唱言我聞如

是一時佛住所居處迦葉大眾皆悉墮淚咄嗟老死
如幻如化昨日見佛今日已稱我聞經
阿難身與佛相似短佛三指初登高座眾起三疑或
疑世尊重出或疑他方佛來或疑阿難成佛及問我
聞三疑俱遣妙句阿難集法藏自云佛初轉法輪我
是時不見如是展轉聞智句舊云阿難得佛覺三昧
力自能聞阿記云佛如覺力故各佛覺三昧力自能聞
又未聞經願佛重說故佛口密為說阿難親承佛旨
如仰完器傳以化入以馮異經佛已涅槃從金棺出
金臂重為現入胎之相諸經皆聞妙句胎相尚聞況後
諸經阿難給付二十年已前諸經皆得以聞之也阿

難面於佛前自聞授記即時憶念過去諸佛法藏通達無礙如今所聞亦識本願法華學無學記品

如來在此鐵圍山外十方諸佛並皆雲集說法亦名詰經後時文殊召諸菩薩及大阿羅漢結集大乘法藏各言某經我從佛聞須菩提言金剛般若我從佛聞故知不局阿難然阿難則徧聞諸經餘弟子則徧局當部淨名疏引智論

如來滅後於畢鉢羅窟立三座部主結為三藏阿難誦出經藏迦葉誦出論藏優波離誦出律藏此即上座部更有一千賢聖命婆尸迦於窟外結集名大眾部此二部通稱為僧祇律是為根本僧祇律此文分三藏為三部

主乘所出

阿難從佛請願二十年中所說盡為我說報恩經

摩得勒伽論說十二部經唯方廣部是菩薩藏十一

部是聲聞藏又佛為菩薩聲聞說出苦道為菩薩藏

聲聞藏智論云大迦葉與阿難在香山撰集三藏為

聲聞藏文殊與阿難集摩訶衍經為菩薩藏涅槃云

十一部經二乘所持方等部為菩薩所持是以經論

略唯二種妙玄

衆經論明教非二若摩得勒伽有二藏聲聞藏菩薩

藏又諸經有三藏十一部是聲聞藏方廣部是菩薩

藏合十二部是雜藏又有四藏者更開佛藏菩薩與

胎經為八藏胎化藏中陰藏未為阿難說時即是秘密教為阿難說後即是不定教摩訶衍方等藏即頓教戒律藏即三藏教十住藏即方等教雜藏即通教金剛藏即別教佛藏即圓教

胎化即是如來凡胎所說諸經中陰即是未來

住胎所說一切諸法

世尊滅後百年毗舍離城跋闍子比丘擅行十事聽兩指抄食得棄落問得寺內後聽可得常法得受金銀彼於布薩日檀越有施金銀而共分之如是簡擇一一檢校乃至十事非法非毗尼非佛所教七百阿羅漢集論法毗尼故名七百結集

四分律

贊曰能仁寂默成佛久遠仁賢劫波乘時利見一代

施化歸宗開顯天人群生成開宿願所應度畢示迹涅槃不生不滅常在靈山未來修學盈滿世間共期佛慧矣獨真冊

釋迦牟尼佛本紀四

東湖尊教雙清法師

處謙

施芝券一百道

西土二十四祖紀第一

佛祖統紀卷五

天宋景定四明東湖沙門

志磐

撰

西土二十四祖

- | | |
|-----------|-------------------------|
| 始祖摩訶迦葉尊者 | 二祖阿難陀尊者 |
| 三祖商那和修尊者 | <small>阿難</small> 末田地尊者 |
| 四祖優波鞠多尊者 | 五祖提迦多尊者 |
| 六祖彌遮迦尊者 | 七祖佛駄難提尊者 |
| 八祖佛陀密多尊者 | 九祖脇比丘尊者 |
| 十祖富那夜奢尊者 | 十一祖馬鳴尊者 |
| 十二祖迦毗摩羅尊者 | 十三祖龍樹尊者 |
| 十四祖迦那提婆尊者 | 十五祖羅睺羅多尊者 |

十六祖僧伽難提尊者 十七祖僧伽那舍尊者
十八祖鳩摩羅駄尊者 十九祖闍夜多尊者
二十祖婆修槃駄尊者 二十一摩拏羅尊者
二十二祖鸛勒那尊者 二十三祖師子尊者
止觀論之辭曰行人若聞付法藏則識宗元付法藏
人始迦葉終師子二十三人末田地與商那同時取
之則二十四人諸師皆金口所記輔行云如來黃金
並是聖人能多利益按法藏經我滅度後有二十輔
行云像末四依弘宣佛化傳中既云並是聖人故多
是四依亦可通於三二以初依屬九不得名聖也
云五品六根為初依十住為二依十行十向為三依
十地等覺為四依此約大乘論四依若涅槃經云有

四種人能護正法為此所依初依小乘內外凡二依
初果三依二二三果四依四果此約小乘論四依今言
付法乃是法藏輔行所言是大乘四依也
言傳中者即付法藏傳一名付法藏因緣經今論祖
承傳大法而趨多諸祖云證小果者準荆溪意謂四
果是真福田化道易行宜作此像即是四依為四果
像是知金口諸師皆破無明位在四依內弘大法而
外示小像為明付法撰二十四祖紀
始祖摩訶迦葉尊者此云大飲光古仙人身光隱蔽
餘光遂以爲姓此尊者是其後
裔身亦光明故藏餘光佛弟子中最長故標大字以簡之名畢
三迦葉等於此同姓中鉢羅是菩提樹名父母禱樹
神而生故從樹立名羅閱祇國人此云王舍
城國中父迦毗羅此云頭面金色蓋是
古者金光仙人之後世稱大富長
者十六大國無以爲鄰千倍勝瓶沙王即頻婆娑婆羅
王此云顏色

正王有金犁千具畏勝於王減一耕犁但用九百九十九雙牛金犁有六十庫金粟庫容三百四十斛昔毗婆尸佛入滅之後勝此云觀塔像金色少處闕壞時有貧女丐得金珠欲補像面時迦葉為鍛金師既為補治因共立誓願我二人常為夫婦身真金色恒受勝樂以是因緣九十一劫生天人中最後得生第七梵天初禪大梵居第六時摩伽陀國不害有婆羅門巨富無量而無子息舍側有一樹神常往乞子歷年無應瞋忿語曰今更七日奉祀若復無驗必當燒樹樹神愁怖即詣梵天梵王天眼見一梵天臨當命終勸其往生滿足十月生一男兒身真金色光明赫奕照四

十里身具三十相相之句應是開白相師占云此兒宿福必當出家年至十五欲為聘妻兒語父母能為我得紫金色女我當納之父母即召諸婆羅門鑄一金女與行村落高聲唱言若有女人見金神者後出嫁時必得好婿女聞悉出唯一女軀體金色獨不肯出諸女強將共見金神婆羅門見即為聘得夫婦二人了無愆意各住一房父母知已毀除一房令共同室迦葉語曰我若眠時汝當經行汝若眠息我當經行夫婦節操深厭世間啟求出家即舍家事深入山林心念口言諸佛如來出家修道我今亦當隨佛出家即著壞色納衣自剃須髮空中天神而告之曰釋迦

如來今與千二百五十阿羅漢在王舍城竹園中住
迦葉聞語即趣竹園佛往逆之至跋耆聚落值佛奉
上寶衣佛即授以糞掃大衣初聞增上戒定慧即得
無漏時已百二十歲其婦相續亦得阿羅漢果迦葉
受乞食法行十二頭陀至老不舍常曰我受佛衣師
想塔想未曾頭枕況以覆卧如此大衣大進我行佛
語之曰汝年老根幹可舍乞食及受長衣迦葉答曰
我當盡壽行蘭若行此云寂靜處佛言善哉若迦
葉行頭陀行在世者我法久住迦葉頭陀既久髮長
衣弊來詣佛所諸比丘皆起慢心佛分半座令坐迦
葉不肯佛即廣讚迦葉功德與我不異何故不坐諸

比丘聞爲之心驚佛復爲說本因昔有文竭施輔行
王也高才絕倫天帝欽其德遣千馬車造闕迎之天
帝出候命王同坐共相娛樂送王還宮迦葉以生死
座命吾同座吾今成佛以正法座報其往勲迦葉共
佛坐時天人咸謂佛師即起鳴佛云佛是我師我是
弟子云毗邪離城有長者維摩詰方便示疾饒益衆
生佛告大迦葉汝行諸維摩詰問疾迦葉白言我不
堪任詰彼問疾所以者何憶念我昔貧里行乞維摩
詰來謂我言以一食施一切供養諸佛及衆賢聖然
後可食如是食者非有煩惱非離煩惱非入定意非
起定意非住世間非住涅槃其有施者無大福無小

福不為益。不為損。是為正入佛道。不依聲聞迦葉若
如是食為不空。食人之施也。時我聞說是語。即於一
切菩薩深起散心。不復勸人以聲聞辟支佛行。是故
不任諸彼問疾。維摩世尊於法華會上告舍利弗。如
是妙法。諸佛如來時乃說之。時舍利弗於此法說。領
解世尊授記未來作佛號曰華光。復告舍利弗。今當
復以譬喻更明此義。遂說長者太宅。歟然火起。長者
方便誘諭諸子。以羊鹿牛三車玩好之具。引之令出。
然後等賜高廣大白牛車。如來亦復如是。初說三乘
引導眾生。然後但以大乘而度脫之。時大迦葉等四
大聲聞於此領解。遂說窮子之譬。謂如窮子捨父逃

逝五十餘年後。雖遇會志意下劣。二十年中常念除
糞過是已後。心相體信。結會父子。正領家業。自言我
等昔來但樂小法。世尊以方便力說如來智慧。今我
方知世尊於佛智慧無所吝惜。是故我等說本無心
有所希求。今法王大寶自然而至。如佛子所應得者。
皆已得之。於是世尊復告迦葉。說藥草喻。述成其解。
而語之曰。汝於未來當得成佛。名曰光明。法華經○此通付法
佛告諸比丘。我今所有無上正法悉已付囑迦葉。當
為汝等作大依止。涅槃經○此別付法○阿難問迦葉
尼。作大依止。止。我入涅槃。大迦葉當與比丘比丘。
時大迦葉與五百弟子在耆闍崛山。去
拘尸城五十由旬。迦葉於正受中心驚身顫。從定中

出見地大動即知如來已入涅槃即將弟子往拘尸城至佛棺所如來大悲為迦葉故棺自然開顯出真金紫摩堅固色身迦葉哀哽即以香水灌洗千體經身棺門即開迦葉說偈如來復現雙足千輻輪相出於棺外迦葉禮讚金剛雙足還自入棺從心胸中火涌棺外漸漸茶毗經于七日香樓乃盡涅槃經云○迦葉子向為尸路見梵志手執曼陀羅華謂曰世尊泥來出赴佛茶毗已始經七日迦葉告五百阿羅漢令請十方集諸羅漢得八億八千盡集健樹間聽受法言菩薩摩訶薩經至夏安居初十五日迦葉共千羅漢在王舍城結集三藏闍王日給千人飯食足滿一夏

迦葉弘持正法至二十年當周懿王八年壬辰以法藏付囑阿闍先禮四塔出家成道轉法輪入涅槃次禮八塔王所利塔次入龍宮禮佛髀塔次升天上禮佛牙塔去辭闍王適值王寢即往雞足山其山三峯如仰取草敷座而發三願一願此身及所持衣鉢俱不壞待至慈氏下生二願入滅盡定已三峯合一三願阿闍闍王若至願山暫開時闍王夢至梁折王覺已悲歎即往雞足山見迦葉全身儼然在定王發聲哀哭積諸香木欲闍維之阿難為言迦葉以定住身以待彌勒不可得燒王供養已還歸本國山舍如故至慈氏三會之後有無量憍慢眾生將登此山慈氏彈指山峯即

開迦葉以所持衣授與慈氏。致辭禮敬畢。涌身虛空。示諸神變化火焚身。乃入寂滅。

付法藏經○梅溪集曰。此尊拈花。出自何典。泉云。藏經三卷。有不載。公曰。項在翰苑。偶見大梵王問佛。史記經三卷。有云。梵王在靈山會上。以金色波羅華。獻佛。請佛說法。世尊登座。華示。眾人。天百萬。悉皆同拈。錫迦葉破。頰微笑。世尊曰。吾有正法眼藏。涅槃妙心。分付迦葉。

述曰。妙經言。世尊開顯大法。迦葉領解。此付法之通義也。涅槃經言。佛告諸比丘。我今所有無上正法。悉已付囑迦葉。後分云。迦葉至佛棺所。說偈。佛現。體足。阿難問經。佛將涅槃。告迦葉言。當受口業。作大依止。此等諸文。皆在涅槃。即付法之別義也。通則大眾皆獲領解。別則迦葉獨任住持。今涅槃

付囑正當。別義是以祖祖相傳。住持不斷。也有欲以法華領解。為付法者。但得通意。

二祖阿難陀尊者。佛叔父。白飯主。次子。以佛成道二月八日生。阿難陀。此云慶喜。謂國欣慶。即調達之弟也。面如淨滿月。眼若青蓮華。年八歲。從佛出家。得白四羯磨。具足戒。多聞第一。年三十一。為佛侍者。開持法藏。至法華會上。佛告阿難。汝於來世。當得作佛。號山海慧自在通王。復告諸菩薩曰。我與阿難。於空王佛所。同時發菩提心。阿難常樂多聞。我常勤精進。是故我已得成菩提。而阿難護持我法。亦護將來諸佛法藏。佛滅度後。大迦葉結集法藏。選千阿羅漢。令阿難升師。

子座宣說諸經迦葉垂入滅時以最勝法付囑阿難而作是言往古定光佛為沙門時畜一沙彌常令誦經若經少闕即便訶責時沙彌為師乞食若少稽留經不充課極為其師之所訶罵沙彌愁惱且行且誦時有長者聞知其故語沙彌言勿生憂惱從今已後常相供給時此沙彌不復行乞專心讀誦經常充足時沙彌者即世尊是施食長者即阿難是以斯福緣智慧深妙惣持多聞沙彌課經且得惣持之益必當以獲其報氣分所成豈得免焉阿難遊行宣化世間造善造惡隨所作事成之若幾二十年嘗至竹林中即王舍城開比丘誦偈若人外竹林寺生百歲不見水老鶴不如生一日而得親見之阿難

慘然曰此非佛偈當云若人生百歲不解生滅法不如生一日而得解了之比丘向其師說師曰阿難老朽言不可信阿難後時聞彼比丘猶誦前偈即自思惟今此比丘不受吾教於世無益宜入涅槃即詣闍王適值其時王夢蓋莖折即便驚覺門人告言阿難入滅故來相見王發聲哭問何所在答云已向毗舍離國即嚴四兵象馬車步追至恒河阿難乘船在河中流王稽首白言三界明燈願勿涅槃時雪山有五百仙人觀見阿難將欲涅槃飛空而至求哀出家即化恒河變成金地為諸仙人說法成阿羅漢俱時入滅田地五阿難涌身虛空作十八變入風奮迅三昧分百仙人

身四分一分與釋提桓因一分與娑伽龍王一分與毗舍離子一分與阿閼世王四處各起寶塔供養舍利利大論見法華付法藏

三祖商那和修尊者王舍城長者也過去世為商主路見辟支佛身嬰重病即為求藥治療見其衣極弊惡奉妙毼衣辟支佛言此商那衣或翻草衣西戎有淨地之上也以此出家成道故當著此而入滅也即飛空作十八變便取涅槃商主悲哀積諸香木闍維舍利起塔供養願我來世功德威儀及以衣服如今無異由斯願力於五百世身中陰恒服此商那衣最後身衣從胎俱出隨身增長出家變為法服具戒

變為九條因名商那和修

按西域記梵衍那國度

衣絳赤色商那入滅留此袈裟謂弟子曰法盡之後方乃變壞今已少損矣如來昔遊摩

突羅國見樹林榮茂告阿難曰吾滅度後當有比丘

商那和修於此山中起僧伽藍說法教化後商那入

海大獲珍寶往詣竹林設大施會開佛世尊迦葉目

連皆已滅度即便嚴辦為般遮于瑟此云云及造門

樓阿難告曰汝今已為財施復當作於法施出家學

道利益衆生商那答言甚適我願即度出家成阿羅

漢乃往曼陀山以慈三昧化二毒龍子營建禪室復

往罽賓國象白山中安坐入定時弟子優波鞠多有

五百弟子猶處生死憍慢貢高趣多即入三昧觀此

諸人與已無緣。唯有吾師。乃能化度。便至心念商那和修。商那神力。從空飛來。衣裳華嚴。坐毘多座。弟子咸瞋。是何弊人。處我師座。以白毘多。毘多至房頭面。作禮。弟子念言。師雖為禮。盛德勝之。商那手指虛空。便下香乳。如高山泉注。毘多不曉。是何三昧。商那為言。此是龍奮迅三昧。如是次第五百三昧。都不了知。一一為說。又語毘多。如來三昧。目連不識。目連三昧。餘聲聞不識。吾師阿難三昧。我亦不知。今我三昧。汝亦不知。我涅槃後。七萬七千本生諸經。一萬阿毗曇藏。八萬清淨毗尼。皆隨我滅時。諸弟子方自責悔。商那復為說法。皆得阿羅漢果。商那即飛空作十八變。

而入涅槃。毘多種種請香木。以火邪旬。收取舍利。起塔供養。付法藏經

阿難末田地尊者。雪山五百仙人之導首也。阿難欲入涅槃。至恒河中。其地大動。諸仙知之。飛空而至。俱求出家。阿難即化河水悉成金地。五百仙人俱得出家。成阿羅漢。末田地。此謂為中。以時末田地故。先涅槃。阿難嘆云。佛記汝當於罽賓國建立佛法。阿難涅槃後。末田地乃往罽賓降伏惡龍。住持佛法。臨涅槃時。涌身虛空。作十八變。然後入滅。付法藏經四祖優婆塞多尊者。摩突羅國人。容貌端正。聰慧辯才。商那初教繫念。若起惡心。當下黑石。生善念時。當

下白石。多如教。壽命。初黑。臨多次。白黑等。至七日。纔唯有白石。商那即爲宣說。四聖真諦。應時逮得須。臨洹果。時城中有一媼女。名婆須密。聞多。端麗。遣人延召。多不許。有長者子。共媼女宿。值賈客遠來。大齎珍寶。求女交通。女貪其寶。殺長者子。埋置舍內。長者之家。推求。至舍掘地。得之。具陳國王。即取媼女。斬截手足。剗其耳鼻。棄於冢間。多往化。至媼女所。婆須密云。我以妙容。相召。不顧。今既殘毀。何用來爲。答言。我爲觀汝寶相。故來。不爲欲也。汝本以色誑惑衆生。譬如畫瓶。盛滿臭穢。智者了之。終不樂著。今應諦觀此色。無常。衆苦。積聚。如瘡。如瘻。宜勤方便。而求

解脫。媼女心開。得法。眼淨。命終。生天。多因觀諸法。苦空無常。應時逮成阿那含果。初見商那。便求出家。商那問。汝年幾。答云。十七。商那曰。汝身十七。性十七。多曰。師髮已白。髮白。邪心。白。邪。商那知是法器。即度出家。受具戒已。即得阿羅漢道。商那謂曰。佛記汝在百年後。坐禪第一。大化衆生。多受教。集衆說法。魔王波旬。化作白象。七寶莊嚴。現爲女人。端正奇麗。舉會觀視。無聽法心。多知魔所爲。以蛇狗人。三屍化作華鬘。以加其頸。遠見死屍蟲蛆。臭爛。盡其神力。去之。不能漏身。虛空問諸天衆。梵王謂曰。十力弟子所作。神力豈能解之。汝若歸依尊者。容可得解。波旬

乃往尊者所。五體投地求解。三屍尊者謂言。汝於正法更莫燒害。然後乃當為汝解之。魔言受教。尊者乃為解去。三屍趣多每以不見佛為恨。因問魔曰。汝曾見佛。其相如何。汝能現否。曰。能。即於大林前現一佛。形相好奇特。如紫金山。光照十方。梵釋尊從。趣多歡喜。不覺致拜。魔即復形前接曰。我是九夫。何當聖。連至第四日。魔更下來。以大音聲告一切。欲得富樂。生人天中。欲求涅槃。第一安隱。不見如來大悲說法。悉當往詣趣多尊者。聽受妙法。至心修行。是時城中男女。皆共雲集。隨其所應。說種種法。百千衆生得須陀洹。萬八千人成阿羅漢。時阿怨迦王。即阿闍世王。尊者

在憂陀山為衆說。阿怨迦王自言。欲求問訊尊者。以處所隘陋。躬自往詣。至華氏城。為王摩頂。說偈指示。如來往昔遊方行住之處。悉令起塔。趣多化度衆生。未婦俱得阿羅漢者。乃下一籌。籌長四寸。滿一石室。室高丈六。縱廣亦爾。神通化用。與佛無異。但無三十二相。舉世號為無相好佛。化緣已畢。作十八變。而取滅度。以室中籌用為邪旬。人民號泣共收舍利。起塔供養。付法藏經

五祖提迦多尊者摩突羅國人。初趣多化緣將畢。往至其父長者家。問言。大聖何以獨行。趣多答曰。我出家人。無有給侍。若有人者。當見垂惠。長者答言。若後

生子必相奉給後生男名提迦多善學經論往從索
之將至僧坊度令出家年滿二十為受具戒初日斷
見諦結得須陀洹第一羯磨薄結怒癡獲斯陀含第
二羯磨欲界結盡得阿那含第三羯磨頓斷三界煩
惱建立梵行成阿羅漢三明遠照六通具足遊步隱
顯自在無礙多告曰我涅槃時至以此法實持用
付汝汝當流布後提迦多化度世間於中印度而取
涅槃夫人悲感收取舍利起塔於班茶山中付法藏經
六祖彌迦迦尊者中印度人為八千仙人導首多聞
博達有大辯才往見提迦多曰我昔與師同生梵天
我遇阿私陀教授仙法師遇大善知識修習佛道自

此殊途已經六劫彼仙記曰汝後六劫當遇同星獲
證聖果今日得遇非宿緣邪提迦多即為說法得證
無漏仙眾不信提迦多為現神變眾方信服俱得道
果提迦多臨欲入滅以法付囑而告之曰佛以正法
付大迦葉如是展轉乃至於我我今付汝宜當流布
彌迦迦受教宣流正法於諸眾生前涅槃道化緣已
畢遂入涅槃眾取舍利起塔供養付法藏經
七祖佛陀難提尊者北天竺人慧解善說勝服當世
初彌迦迦至其國望雉堞上有金色祥雲歎曰此下
必有大士可為法嗣乃往尋之果於闍闐中佛陀難
提而謂之曰我師提迦多說世尊昔遊北印度語阿

難曰我滅後三百年有一聖人名佛陀難提於此弘法難提答曰我思往劫嘗獻如來寶座彼因記我當於賢劫釋迦法中宣弘教法今符師語願求出家纔聞說法即得四果彌遮迦臨欲入滅即以正法付囑流布後時難提化緣將畢遂入涅槃衆取舍利起塔供養付法藏經

八祖佛陀密多尊者提伽國人德力深固善化群生初難提行化至其國見一室有白光謂其徒曰此有聖人有口不言有足不履及至其舍長者問其何來難提即曰來求弟子長者曰我有一子年五十歲不言不履安能給侍難提曰真吾弟子密多速起

行七步已口說偈曰父母非我親誰是最親者諸佛非我道誰是最道者難提曰汝言與心親父母非可比汝行與道合諸佛心即是外道有相佛與汝不相似欲識汝本心非舍亦非離又謂之曰此子昔曾值佛悲願廣大憇父母愛情難捨故不履不言長者遽捨出家即證道果流布正法時有國王宗事異學輕毀三寶密多將欲調伏躬持赤旛於十二年在王前行王後問曰斯是何人答曰我是智人善能談論王即宣令於正勝殿集諸婆羅門長者居士與一沙門共相議論密多升座建無方論淺智之人一言即屈其聰辯者再便辭盡王乃躬與密多以起言端亦

摧服王即回心為佛弟子時國中有尼乾毀謗正法
善知算數尼乾此云密多往化就受數術尼乾常出
惡聲罵辱於佛密多謂曰汝今造罪必墮地獄若不
見信可算知之尼乾推算知墮地獄白尊者言我當
云何得免斯咎密多告曰如因地倒還從地起汝若
歸佛此罪可滅時尼乾即以五百偈讚歎如來改悔
先罪密多復告之曰汝此善業必生天上若不見信
可算知之尼乾下算自見已身罪滅生天便大歡喜
遂與五百人俱共出家密多化緣將畢遂入涅槃第
子為奉全身起塔供養付法藏經

九祖脇比丘尊者中印度人由於昔業在母胎六十

年既生須髮俱白厭惡五欲不樂居家其父攜見密
多曰此子處胎六十年因號難生曾遇相者言是法
器願求出家受戒之日祥光燭座感舍利三七顆便
於座上得阿羅漢精進苦行脇不至席時號脇比丘
有外道見師手放光明暗中取經即捨邪歸正獲證
道迹化緣將畢現十八變便入涅槃眾取舍利建塔
供養付法藏經

十祖富那夜奢尊者華氏國人智識深邃多聞博記
初脇比丘至其國止一樹下指其地曰此地若變金
色當有聖人至矣言已地果成金既而夜奢果至遂
納為弟子付以法藏以善方便化度衆生所作已辨

便入涅槃衆取舍利起塔供養

付法藏經

十一祖馬鳴尊者東天竺桑岐多國婆羅門以刀貫
秋銘曰天下智士能勝我者截首以謝諸國之人莫
有抗者時富那夜奢於閑林中坐馬鳴大悔貢高計
實有我聞夜奢說諸法空無我無人往謂之曰一切
世間言論我能破壞此言若虛斬首以謝夜奢曰佛
法之中凡有二諦若就世諦假名為我第一義諦皆
悉空寂如是推求我何可得馬鳴知義不勝便欲斬
首夜奢曰我法仁慈不斬汝首如來記汝後六百年
當傳法藏於是度令出家內心猶有嫌恨時夜奢有
經在閤室令馬鳴往取曰言室閤夜奢以五指放

馬鳴心疑是幻凡幻之法知之則滅而此光轉更熾
盛即便心服勤苦修行仰受付囑於華氏城遊行教
化作妙技樂名賴吒和羅其音清雅宣說苦空無我
之法時此城中五百王子同時開悟出家爲道時華
氏王恐國虛空即便宣令勿令作樂有月氏國王
支攻華氏城城中凡九億人即從索九億金錢時華
氏王即以馬鳴一佛鉢一慈心雞各當三億馬鳴智
慧殊勝佛鉢如來功德慈心雞不飲蟲水悉能摧滅
怨敵月氏王大喜回兵歸國後安息國來伐月氏交
戰獲勝殺安息人凡有九億有一羅漢欲令王悔即
以神力示其地獄王見惶怖時馬鳴即語王曰王能

聽我說法當令此罪不入地獄王後欲征北海群臣
怨王貪虛無道因王病瘧以被鎮之人坐其上須臾
氣絕由聽馬鳴說法生大海中作千頭魚剎輪回注
斬截其首續復生頭次第更斬須臾之間頭滿大海
時有羅漢為僧維那王即告言今此剎輪聞捷維音
即便停止苦痛小息唯願大德延令長久羅漢悲闕
為長打之過七日已受苦便畢至今此寺相傳長打
馬鳴傳法已即入龍奮迅三昧挺身虛空如日輪相
復還本位以取涅槃眾收舍利起塔供養付法藏經
摩訶經
諸鳥若見白馬即鳴王宿求白馬不得乃作言曰若
佛弟子能令此鳥鳴者都破外道時菩薩神力見千
白馬鳴千白鳥紹隆正法今不劫絕是故此尊不白

馬鳴

十二祖迦毗摩羅尊者華氏國人為外道師有眾三
千以神力來繞馬鳴曰汝之神力更能如何摩羅
曰我化大海極為小事鳴曰汝能化性海否問何謂
性海鳴曰山河大地依之建立三昧六通內茲發現
摩羅聞之即能信入與三千眾同時悟道受師付囑
宣布正法於南天竺大興饒益造無我論足一百偈
此論至處魔外摧折時西印度有太子名雲自在仰
師道德請入宮中供養摩羅曰佛戒沙門不得親近
王臣權勢太子曰城北有一山窟可往居否摩羅即
往趣之路見大蟒為其說法受戒其蟒即隱及至石

密有素服老人出迎謝曰我昔為僧持戒好靜新學
請益應答之際多起瞋心故報為蟒今在此已千載
通聞說法已得脫苦故此拜謝此佛滅至此方六百年
時為僧故摩羅化緣已畢現通入滅眾取舍利起塔
供養付法藏經

十二祖龍樹尊者南天竺國梵志之裔始生之日在
於樹下由入龍宮始得成道故號龍樹西域記云
那伽內樹此
無龍佛去世後七百年出天姿聰悟在乳哺中聞諸
梵志誦四韋陀典有四萬偈偈各三十二字皆達句
義弱冠馳名獨步諸國天文地理星緯圖識及餘道
術無不綜練嘗與契友三人議曰世間義理可以開

神明發幽旨者吾輩希逢之矣更以何方而自娛樂
復云人生唯有追求慾色為至樂耳乃俱往術家學
隱身法師念曰此四梵志才智高遠今以術故屈辱
就我若授其方則永見棄乃各與青藥一丸水磨塗
服形自當隱龍樹聞香便識此藥有七十種名字兩
數皆如其方師聞大驚即以其法具授四人既得其
藥翳身遊行相與入王後宮數月義人懷妊者聚王
問智臣臣曰若非鬼魅則是方術可以細土置諸門
中若是方術其迹當見設是鬼魅入必無迹人可兵
除鬼當咒滅王用其計果四人足迹乃令勇士揮鋤
空中斬三人首近王七尺刀所不至龍樹斂身依王

不能加害。始悟慈為苦本。即自誓曰。若免斯難。當詣沙門。受出家法。既得出宮。便入山。至一佛塔。摩羅來訪。龍樹迎之曰。深山孤寂。大德至尊。何枉神足。摩羅曰。吾非至尊。來訪賢者耳。龍樹默念。此師得決定性。否明道眼。否是大聖。繼真乘。否摩羅曰。汝雖心語我已意知。但辨出家。何慮吾之不聖。龍樹悔謝。即求出家。於九十月。誦通三藏。闍浮所有皆悉。通達辯才。無礙。自謂一切智人。欲從瞿曇門入。門神告曰。今汝智慧。何異螢火。齊於日月。以須彌山等。等歷子。我觀仁者。非一切智。云何欲從此門而入。龍樹情屈。心自念言。世界佛經。雖妙句義未盡。我當更敷演之。聞悟後

學復欲立師。教戒更造衣服。令少不同。欲除衆情。選擇良日。便欲成達。獨處靜室。水精房中。大龍菩薩。悉其心念。即以神力。接入大海宮殿。開七寶。多與諸方等經典。九十日中。通解甚多。龍曰。汝今闍經。為編未邪。師曰。汝經無量。不可得盡。我今所讀。足過闍浮十倍。龍曰。勿利天上。諸經復過。此中百千萬倍。師於宮中修行。豁然通達。善解一相。深入無生法忍。龍知悟道。送師出宮。輔行云。龍接入宮。一更但誦七佛經目。南天竺國王深染邪見。師欲化之。躬持赤幡。在王前行。經歷七載。王問何人。答曰。我是一切智人。王曰。諸天今者。何所作。為答曰。天今正與阿修羅戰。須臾空中。刀劍相繼。而墜。

修羅耳鼻從空而下王始驚悟稽首作禮是時殿上
萬婆羅門歎其神德除髮出家諸外道眾來共議論
一言便屈降伏出家有婆羅門善知咒術白王求與
捕力婆羅門化大池蓮華自坐其上龍樹化白象入
池鼻紆蓮華高舉擲地婆羅門傷背白師悔過因求
出家龍樹造大悲方便論五千偈大莊嚴論五千偈
大無畏論十萬偈補行云大無畏論明天文地理作義
門大無畏論明第一義中觀論明修一切功德法
者是其一品○即大智度論也優波提舍論十萬偈
有小乘法師具師高明常懷忿嫉師所作已辨問小
乘言汝今樂我久住世否答曰仁者實不願也忽一
月入月輪三昧唯聞法音不見形相唯弟子提婆識

之曰師示佛性非聲色也龍樹乃付法提婆復入閻
室經日不出弟子破戶視之見入三昧蟬蛻而去天
竺諸國並為立廟敬事如佛付法藏經摩訶摩羅經
生法身故名龍樹孤山慈雲皆稱龍樹為
十三代此即西土正統不長未旧也
十四祖迦那提婆尊者南天竺國婆羅門也國中有
一天神鍛金為形立高六丈號大自在天有求願者
令現獲報提婆入廟稽首為禮天動眼努視提婆語
曰夫為神者當以精靈偃服群類而假金寶為飾勞
費民物何其鄙哉即登高梯鑿出其目明且炯天化
一肉形其高數丈左眼枯涸就座告曰善哉大士供
饌具足汝之左眼宜當垂給提婆即以左手出眼與

乏索之不已出眼至於萬數天神讚曰善哉摩訶真
上施也提婆後詣龍樹樹以滿鉢水置座前提婆即
以一鉢投之欣然契會即剃髮出家仰受付法時有
天竺王信用邪道國法出錢僱人宿衛提婆應募為
將荷戟前驅整肅部曲王嘉其功即召問之答言我
是智人善於言論王即為建論座提婆即立三義一
切聖中佛最殊勝諸法之中佛法無比世間福田僧
為第一八方論士能壞斯語我當斬首以謝時諸外
道辭理俱匱悉求出家有一外道恥其師屈心結怨
忿提婆於閑林造百論經外道執刀窮之曰汝以空
刀破我師義我以鐵刀破汝之腹五藏出外命猶未

絕外道曰汝可取吾衣鉢急去我弟子未得道者
必當相執時弟子來見發聲悲哭奔追要路提婆告
曰諸法本空無我我所無有能害亦無受者誰親誰
怨彼人所害害吾往報非害吾也於是放身蟬蛻而
去被收舍利起塔供養付法藏經

十五祖羅睺羅多尊者迦毗羅國人聰慧異常迦那
提婆尊者至迦毗羅國有長者淨德園樹生耳如蘭
唯長者與子羅睺羅多取而食之取已隨生自餘親
屬皆不能見尊者知其宿因遂至其家謂之曰汝家
昔曾供養一比丘以道眼未明虛沾信施故報為木
蘭唯汝與子精誠供養故得尊之又問長者年多少

曰七十九尊者說偈曰入道不通理覆身還信汝
年八十一此樹不生耳長者歎服即令其子出家尊
者曰昔如來記此子當第二五百年爲大教主即與
劇髮仰受付囑大弘正法有婆羅門造鬼名書十萬
偈甚爲難解龍樹一聞便曉提婆再聞亦曉羅睺聞
提婆亦得解了婆羅門大驚曰沙門似若舊習遂即
信服羅睺化緣已畢遂取涅槃衆收舍利起塔供養
什法藏經

十六祖僧伽難提尊者室羅筏城寶莊嚴王太子生
而能常讀佛法七歲厭俗父王每止之九歲羅睺
至金水河指之曰此去五百里有聖者名難提佛記

一千年後當紹聖位即領衆往見之正值入定三七
日方出即求出家得道付法羅睺一日手擎金鉢舉
至梵天取飯以餉大衆衆忽厭惡羅睺曰非我之咎
乃汝自業即命難提分座同食衆復訝之羅睺曰此
難提即過去娑羅王如來賸物降迹汝等亦莊嚴劫
中已至三果但未證無漏耳衆曰我師神力斯則可
信彼過去佛竊有疑焉難提曰如來在日地平水美
減八百年人無至信不信真如唯愛神力言訖手持
琉璃瓶漸展入地至金剛輪際取甘露水持至衆前
衆方悔謝有阿羅漢具諸功德難提以一偈試之云
轉輪王種生非佛非羅漢不受後世有亦非辟支佛

羅漢不解升天以問彌勒彌勒曰世以泥團置輪成
瓦豈同諸聖至後世乎羅漢還以語之難提曰此彌
勒為汝說耳化緣將畢以右手攀樹而入滅度弟子
欲移其屍堅不可動大象負之亦不能移乃積香木
為樓就樹閣維火焚身盡樹更萌鬱衆取舍利建塔
供養付法藏經

十七祖僧佉舍尊者摩提國人母夢大神持鑑因
而有娠七日而誕難提行化至其國見一峯紫雲如
蓋領衆趣之一童子持圓鑑直造尊者前尊者曰汝
手中當何所表童曰諸佛大圓鏡內外無瑕翳兩人
同得見心眼相似父母聞子語即舍出家他時開

風吹殿鈴師問鈴鳴風鳴邪舍曰非風非鈴我心鳴
耳聲遊海邊見七寶宮殿即往乞食說偈曰飢為第
一病行為第一苦如是知法實可得涅槃道舍主迎
入就座取鉢施食邪舍見其家內有二餓鬼裸形飢
虛鎖其身首怪而問之舍主答曰此鬼前世一是吾
息一是息婦我昔布施夫妻懷嗔我數教誨不肯信
受因立誓曰如此罪業受惡報時我當見汝故致斯
報復至一處堂閣嚴飾衆僧經行鳴鐘集食食欲將
訖變成膿血便以鉢器相打流血而相謂曰何為惜
食今受此苦難提前問衆中答曰我等迦葉佛時同
止一處客比丘來咸相嗔恚藏惜飯食而不共分以

故今此受斯苦報如是周遊大海徧觀五百地獄即
生怖畏方便求免後時得阿羅漢見五百仙人林中
修道即往其處為宣三偈讚佛法僧五百仙人俱得
道迹化緣將畢便入涅槃衆收舍利起塔供養付法藏經
十八祖鳩摩羅跋尊者月氏國婆羅門子邪舍至其
國往扣其門鳩摩曰此舍無入邪舍曰答無者誰鳩
摩知是異人遽開門延接邪舍謂之曰佛記滅後千
年有大士出月氏國紹隆正化遂即出家仰承囑累
至一國人不受教即語之曰汝今可集鐵馬萬騎
在吾前過鳩摩一見人名馬色衣服相貌一一分別
更無錯謬於是舉國咸皆信服有長者子名閻夜多

來問師曰我父母崇信而蒙疾失意鄰家害殺而身
健和合彼何幸而我何辜師曰以造業有先後故論
報有不定或仁大而暴壽或逆吉而義凶夫仁與義
今身之現行善也大與凶前世之惡今身之受報也
暴與逆今身之現行惡也壽與吉前世之善今身之
受報也善惡因果隨業受報故先後不定也閻夜多
問已頗釋所疑鳩摩曰汝雖已信三業而未明業從
惑生惑因識有識依不覺不覺依心心本清淨無生
滅無造作無報應無勝負寂寂然靈靈然汝若入此
法門當與諸佛同矣夜多領旨即發宿慧鳩摩乃以
八寶瓶面門如紅蓮初綻放大光明而入滅度衆取

舍利起塔供養付法藏經

十九祖闍夜多尊者北天竺人。遊化世間。最稱善說。有比丘犯欲。自悔。夜多語曰。能順我語。罪可消滅。即化火坑。令投其中。比丘念欲滅罪。舉身投之。火成清流。夜多曰。汝至誠悔過。罪今已滅。即為說法。成阿羅漢。尊者弟子入尸羅城。慘然慙慙。小復前行。路見一鳥。欣然微笑。弟子白師。願說此緣。師曰。我至城門。見餓鬼子。言母生吾。已入城求食。滿五百年。至今未反。我常飢虛。不能自濟。乃吾入城。果見彼母。前曰。我言吾入城來。經五百年。始於今日。獲一人唾。欲持與子。門下大力鬼神。慮其侵奪。願尊者持我出城。我即持

母出於城外。問彼生來為幾時。那咎云。我見此城。七及成壞。深歎生死受苦長遠。是以慘然。過去九十一劫。毗盧尸佛在世。教化我為長者子。常念出家。父母不從。強為聘妻。生一男子。年始六歲。復欲出家。父母教兒。汝父若欲作沙門者。抱足啼泣。我以愛心。不復出家。由彼兒故。九十一劫。流轉生死。於五道中。未曾得見。今以道眼。觀察彼鳥。乃我前世所生之子。愍其嬰愚。久處生死。是以故笑。尊者化緣已畢。即入涅槃。眾取舍利起塔。藏供養。付法藏經

二十祖婆修槃駄尊者羅閱國人。姓毗舍佉。母夢吞明珠。覺而有孕。經七日。有一羅漢。名曰賢眾。至

其家父光蓋設禮賢衆受之母一出拜賢衆避席曰
同禮法身大士謂光蓋曰汝婦懷聖子汝吾遊之非
重女人也又曰汝婦當生二子一名婆修槃駄二名
翳尼此云野昔如來雪山修道翳尼巢於頂上佛既
成道翳尼報爲那提國王佛記第二五百年生羅閱
城毗舍佉家與聖同胞今無爽矣後一月果生二子
槃駄後遇闇夜多出家之日感毗婆訶菩薩爲作病
磨多聞善解普化群生臨涅槃時升空半由旬復還
就座而取滅度衆收舍利塔藏供養藏經法
二十一祖摩羅尊者那提國王次子也槃駄行化
至此國謂自在王曰佛記一千有神力大士當紹聖

位即王次子也王乃令出家仰受付囑於南天竺興
大饒益有三藏夜奢功德齊等夜奢語曰恒河以南
二天竺國人多邪見長老善解音聲之論可於彼土
自在教化若恒河以北三天竺人可以易化我當於
此利益衆生尊者即如其語至二天竺廣宣毗羅無
我之論十二祖著摧伏一切異道邪見後遊行至西
印度國王名得度因行路見一小塔衆不能舉王召
梵行禪觀咒術三衆以問所因皆不能知以問尊者
對曰此塔阿育王造今出現者由王福力王曰至聖
難遇世樂非久遂傳位太子依師出家七日之間得
證四果師謂得度曰汝居此國度人吾當遊化異國

即焚香囑之其香成穗至月氏國其王以問大臣是何祥異有鶴勒那比丘曰此是西印度祖師將至先降信香也王曰神力何如曰遠承佛記當闡大化主與鶴勒那遙伸禮拜師既至鶴勒那問曰我止林間九年有弟子龍子幼時聰慧我於三世推窮莫知其本師曰此子於第五劫中生妙喜國婆羅門家曾以栴檀施寺撞鐘故受此報師化緣已畢即加趺入滅王與弟子造塔以奉全身付法藏經

二十二祖鶴勒那尊者月氏國人年七歲見居民入廟祀神穢什之曰汝妄興灾福幻惑世人歲費牲牢為害甚矣其廟與像忽然摧倒年三十八始遇摩訶

羅謂之曰汝昔有弟子五百以福德薄生於羽族今感汝惠故為鶴衆相隨勒那曰以何方便令彼解脫摩訶羅為說偈曰心隨萬境轉轉處實能幽隨流認得性無喜復無憂鶴衆聞偈飛鳴而去勒那行化至中印度有王無畏海請鶴勒那說法忽見緋衣素服二人俱至禮拜良久復沒王問何人師曰日月天子也時師子比丘來聽法師指東北問曰汝見此氣如何師子曰我見氣如白虹貫天復有黑氣橫亘其中師曰吾滅五十年北天竺當有難起嬰在汝身遂密示其事現十八變而入滅度衆取舍利起塔供養付法藏經

二十三祖師子尊者中印土人得法遊化至罽賓國

有波利迦者本習禪觀有禪定知見執相捨相不語
五衆師子化之五衆皆服聲聞邇遐外道摩目多部
落遮二人素學幻術乃盜爲僧形潛入王宮娼妃妃
右且曰不成則歸罪釋子既而事敗王大怒曰吾素
重三寶沙門何多辱我即毀寺害僧自秉劍至尊者
所問曰師得蘊空邪曰然王曰蘊旣空當與我頭曰
身非我有何吝於頭王遂斬師首白乳涌高數尺王
臂尋墮七日而亡太子光首歎曰我父何故自取其
禍有象白山仙人深明因果即爲廣說宿因以尊者
報體而建塔焉什法藏經

迷曰佛所得宿命記未來成道雖累億劫必能前

知豈今記祖止二十四竊原佛意當用二義一者
以師子遭命難爲傳持佛法之一厄二者此後諸
祖雖有其繼恐非四依大聖之比以故金口齊此
而言非謂無繼祖也世或謂師子遭難不傳法者
疑人之言耳吾宗謂祖承止師子而禪林加四人
於是競相是非連代不息試以大意決之則無所
爲礙謂師子雖遭命難非無弟子可以傳法特不
在金口預記之數耳然則加以四人至于達磨而
始爲東土之來謂之二十八人斯亦何害禪人欲
實其事但言四人相承傳之達磨則可矣今乃妄
引禪經之證適足以自取其不實也當明教作定

祖圖謂禪經具載二十八祖。今檢經但列九人而名多不同。昉法師作止訛。以斥之宜矣。

二十四祖託第一

月波石林法師文介施芝券二十道飯穀二石

